

6

ACTA DA SESIÓN ORDINARIA CELEBRADA POLO PLENO O 28 DE DECEMBRO DE 2017.

ASISTENTES:

PRESIDENTA:

Abal Roma, Fátima (P.S.deG.-PSOE)

CONCELLEIROS:

Abal Varela, José Ramón (Cambados PODE)

Aragunde Aragunde, Luis (P.P.)

Brea Troncoso, Mónica (P.P.)

Caamaño Rivas, Víctor Manuel (B.N.G.)

Cacabelos Domínguez, María Josefa (B.N.G.)

Charlín Trigo, Xurxo (Participación Democrática Directa de Galicia/Somos Cambados)

Cordal Rodríguez, Constantino (Participación Democrática Directa de Galicia/Somos Cambados).

Gómez Blanco, Juan Ramiro (P.P.)

Iglesias Pombo, Antonio Joaquín (P.P.)

Martínez Piñeiro, Milagros (P.S.deG.-PSOE)

Oubiña Santos, Ana Isabel (P.P.)

Pérez Osorio, Miguel (P.S.deG.-PSOE)

Pomares Botana, Eulogio (P.P.)

Prado Cores, María Teresa (B.N.G.)

Serantes González, Luis Alberto (P.P.)

Varela Piñeiro, María Isabel (P.P.)

SECRETARIO XERAL

D. Francisco Javier Oubiña Lodeiro

No Salón de sesións da Casa Consistorial, sendo as vinte e unha horas, réunense en primeira convocatoria os Concelleiros citados anteriormente, ao obxecto de celebrar a sesión ordinaria do Pleno, asistidos de min, o secretario xeral do Concello quen certifica.

Comprobada pola Secretaría a existencia do quórum necesario, declárase pola Sra. Alcaldesa-Presidenta aberta a sesión con arranxo ao seguinte orde do día:

I PARTE RESOLUTIVA

Sométese o asunto a ratificación da inclusión na orde do día que é apreciado por unanimidade (17)

1º.- HERMANAMENTO CO CONCELLO DE CIGALES

Intervén o Sr. Abal Varela quen dí que ACEVIN e RECEVIN lles instan a chegar a hermanamentos para potenciar e dar publicidade ao sector e que o mes pasado o pleno do Concello de Cigales aprobou esta iniciativa de hermanamento o texto é o seguinte:

“O Concello de Cambados está traballando no irmanamento coa localidade vallisoletana de Cigales, “cuna do viño” Clarete, para establecer lazos de unión en torno á cultura do viño, a gastronomía, a historia e o patrimonio. Cambados “Capital do viño Albariño” con tradición vitivinícola histórica e coa Festa do Albariño de interés turístico nacional, busca crear lazos de unión con Cigales que conta entre as súas celebracións anuais máis importantes do ano coa Festa da Vendima; con este irmanamento buscase promocionar conxuntamente a cultura e tradición do viño de ambas localidades así como a cooperación en desenvolver un programa anual de actividades entre ambos para a promoción turística, cultural e enogastronómica de ambas localidades.

Cigales Terra de Rosados e Tintos, Cambados Vila do Albariño, ambas localidades con Denominación de Orixe e cun potencial gastronómico e enolóxico recoñecido Internacionalmente e un rico Patrimonio Histórico-Artístico estudian poder desenvolver ó longo do ano 2018 accións conxuntas como:

- Participación en Feiras e presentacións conxuntas de ambas localidades.
- Colaboración na promoción das Festas da Vendima así como encontros gastronómicos e enolóxicos.
- Encontros folclóricos.

- Xornadas Culturais, ciclos de conferencias e xornadas técnicas.
- Xornadas gastronómicas de tapas e albariños en Cigales e Tapas e Rosados en Cambados aunando viño e gastronomía.

A localidade de Cigales valorou moi positivamente este irmanamento dende o primeiro momento coa súa Alcaldesa ó fronte, debido á cercanía de ambas localidades, o que posibilitaría un intercambio de accións; igualmente e moi relevante a importancia da diversidade e diferencias de ambas zonas que ó xuntarse poden crear importantes sinerxias para ambas localidades donde a cultura, o viño e a gastronomía serían os pilares fundamentais do irmanamento

Cambados e Cigales, ambos socios de Acevin e Recevín; fundamentais na creación das Rutas do Viño Rias Baixas e Cigales, e ambas localidades cabeza visible das súas respectivas denominacións de orixe, Rias Baixas e de Cigales polo que os nexos de unión entre ambas son moi fortes polo traballo e promoción que levan anos desenvolvendo nas súas respectivas zonas.

Este breve proxecto é o que se espera dé comezo a una fructífera colaboración entre ambas vilas; os responsables das Oficinas de Turismo están traballando en proxectos conxuntos esperando que este irmanamento poida certificarse o próximo ano 2018.”

Sometida a proposta a votación esta é apreciada por unanimidade. En consecuencia queda aprobado o texto nos termos nos que foi presentado.”

Sométese o asunto a ratificación da inclusión na orde do día que é apreciado por unanimidade (17)

2º.- ORDENANZA FISCAL REGULADORA DO IMPOSTO SOBRE VEHÍCULOS DE TRACCIÓN MECÁNICA.

Intervén o Sr. Charlín Trigo quen dí que cando se trouxo a pleno a nova redacción da ordenanza ao tesoureriro esqueceulle non incluír una tarifa

O Texto é o seguinte:

“Exposición de motivos

No proceso de elaboración da ordenanza fiscales reguladora do Imposto sobre Vehículos de Tracción Mecánica produciuse un erro por parte de tesourería municipal consistente na omisión dun tramo da tarifa do imposto correspondente a camións.

O texto da ordenanza levado o Pleno de 30 de outubro de 2017 foi o seguinte:

A) Camións

- De menos de 1.000 kilogramos de carga útil: 53,48 euros
- De 1.000 a 2.999 kilogramos de carga útil: 105,36 euros
- De mais de 2.999 kilogramos de carga útil: 187,59 euros

Cando o texto que debía ser aprobado polo Pleno do Concello era o que a continuación se mostra.

B) Camións

- De menos de 1.000 kgs. de carga útil : 53,48 euros.
- De 1.000 a 2.999 kgs de carga útil : 105,36 euros.
- De 2.999 a 9.999 kgs. de carga útil : 150,07 euros.
- De mais de 9.999 kgs de carga útil : 187,59 euros.

O erro foi debido ó salto dunha liña ó transcribir a ordenanza que na actualidade se encontra en vigor. Elo debido a que a modificación da ordenanza era unha modificación puramente técnica, que mantiña inalterados todos os aspectos sustantivos e cuantitativos da mesma.

Trátase dun erro material na transcripción da ordenanza, que se somete a Pleno para a súa subsanación. Unha vez subsanado o erro realizarase o trámite de exposición ó público durante 30 días hábiles a efectos de presentar alegación, como trámite previo a súa aprobación definitiva, que se fará durante o mes de febreiro de 2018, con efectos desde 1 de enero de 2019.

Polo tanto, de cara ó exercicio 2018 continuará en vigor a ordenanza actualmente vixente, respecto da que a ordenanza cuxa corrección se somete a acordo de Pleno no producía modificación algunha de carácter sustantivo ou cuantitativo.”

Intervén o Sr. Aragunde Aragunde anunciando o voto favorable do seu grupo.

Sometida a proposta a votación esta é apreciada favorablemente por unanimidade (17).

II PARTE DE CONTROL E FISCALIZACIÓN DA XESTIÓN DOS ÓRGANOS MUNICIPAIS DE GOBERNO

3º.- MOCIÓN DO GRUPO MUNICIPAL DO BNG CONTRA A SUBIDA DE PEAXES NA AP-9.

Intervén o Sr. Caamaño Rivas quen dí que esta moción presentouse o 5 de decembro pensando que a suba ía ser do 3,1 % cando agora se sabe que será do 3,81 %, que esta é unha explotación colonial, que non se poden estar a dar concesións por tantos anos cando isto xa está amortizado, que exportamos enerxía e pagámola máis cara e por riba temos pensións máis baixas que nos últimos anos subiu un 36 % a peixe cando o IPC foi do 10%, que ademáis a concesionaria está a despedir persoal, que no ano 2016 lle quedaron libres 46.000.000,00 € e or riba se fan obras repecútenas nos usuarios. Procede á lectura da moción que é a seguinte:

“EXPOSICIÓN DE MOTIVOS

O goberno do Estado, a través do Ministerio de Fomento, acaba de autorizar a Audasa unha subida extraordinaria durante os próximos 3 anos do 3,1% para todos os tramos da AP-9, e que vén representar o dobre do IPC.

A privatización da AP-9 no 2003 está a significar grandes incrementos das peaxes nunha infraestrutura que está en mans dun fondo especulativo norteamericano e que goza dunha concesión ampliada até o ano 2048 baixo o Goberno do PP presidido Aznar. Unha explotación que outorga grandes

beneficios económicos por unha infraestrutura xa amortizada, como demostran os multimillonarios beneficios da empresa concesionaria. Beneficios que nin sequera repercuten na mellora do servizo. Non se mellorou a iluminación nin o asfaltado en moitos tramos e reduciuse drasticamente o persoal das cabinas de pago. Rexistra colas de horas en períodos estivais ou datas sinaladas sen se adoptaren medidas de ningún tipo.

O BNG leva demandando desde fai anos que se tomen medidas para que a AP-9 sexa unha vía de comunicación galega, de competencia do Goberno galego, e de acceso gratuíto para todas as galegas e galegos. Nomeadamente, o BNG presentou iniciativas tanto no Parlamento de Galiza como no Congreso dos Deputados para demandar, entre outras medidas, a súa transferencia á Xunta de Galiza e que se suprimisen as peaxes.

A AP-9 abrangue unha parte moi importante do territorio galego, ao conectar toda a franxa atlántica e catro das sete cidades galegas, mais depende do Goberno do Estado que mantén peaxes desorbitadas para as persoas con menos recursos e lastran o desenvolvemento de sectores económicos galegos.

Con todos estes precedentes, é necesario que a Xunta de Galiza deixe de mirar para outro lado e asuma as demandas da cidadanía galega. É precisa a supresión das peaxes, melloras na autoestrada, que remate a explotación privada da AP-9 e se converta nunha autoestrada pública e gratuíta de titularidade galega.

O ano pasado, o Parlamento de Galiza, por unanimidade das forzas políticas, aprobou a 'Proposición de Lei Orgánica de transferencia da titularidade e competencias da AP-9 á Comunidade Autónoma de Galiza', que foi remitida ao Congreso para a súa tramitación e aprobación final.

O Bloque Nacionalista Galego aspira a que desde Galiza se tome o control desa autoestrada para rematar coas deficiencias na súa xestión, as tarifas abusivas, os incrementos constantes e mesmo que sexa empregada como obxecto especulativo por parte de grandes fondos de investimento dados os altos beneficios que xera a custa do peto de sufridos usuarios e usuarias da AP-9.

Tamén, en febreiro deste ano, aprobouse unha iniciativa do BNG polo que o Parlamento galego insta a Xunta de Galiza a demandar do Goberno do Estado a supresión da peaxe no treito da AP-9 Vigo-Rande.

Por todo isto, o grupo municipal do BNG, solicita do Pleno da corporación municipal a adopción do seguinte

ACORDO

- 1. Manifestar o rexeitamento á subida das peaxes na AP-9, instando á Xunta de Galiza a que demande a súa supresión.**
- 2. Instar á Xunta de Galiza a que cumpra os acordos do Parlamento galego e demande do Goberno do Estado:**
 - **A transferencia da AP-9 á administración galega.**
 - **A supresión da peaxe no treito da AP-9 Vigo-Rande.**
- 3. Trasladar o presente acordo aos grupos parlamentares do Parlamento de Galiza, presidente da Xunta de Galiza e presidente do Goberno do Estado.”**

Intervén o Sr. Abal Varela quen dí que está dacordo coa moción.

Intervén o Sr. Cordal Rodríguez dicindo que o seu grupo vai apoiar esta moción, que lles parece un atraco que en Madrid se rescata e aquí se pagae que é un abuso dos gobernos centrais que fan millonarios a outros.

Intervén a Sra. Alcaldesa quen dí que o seu grupo vai apoiar esta moción xa que tamén dende o grupo parlamentario socialista se presentou o 27 de novembro unha proposición non de lei na que aínda que os motivos non concondan exactamente e finalidade é a mesma.

Intervén o Sr. Aragunde Aragunde quen dí que a suba é consecuencia do goberno de Zapatero e ven deribada da xestións realizada polo Ministerio de José Blanco, que o BNG no seu día votou en contra da transferencia da AP9 a Galicia (Da cifras dos últimos anos). Que queren facer ruido e enganar á cidadanía

Intervén a Sra. Alcaldesa quen dí que o convenio de colaboración ente o Estado e AUDASA foi aprobado no ano 2011 polo RD 1733/2011, en concreto autorizábase un incremento anual adicional do 1% das tarifas acumulativo en 20 anos e que entraría en vigor o 1 de xaneiro do ano seguinte ao remate dunha serie de obras que tiña que facer AUDASA o valor dos investimentos asociados situábase en 315.000.000,00 € e no ano 2012 sendo Presidente de España Mariano Rajoy producíronse varias circunstancias que aumentarían inda máis as peaxes (suba do IVE do 18 ao 21 %, e aplicábase o RD 20/2012), da tamén como dato as inversión con José Blanco que a media era entre os anos 2008 a 2011 1.100.000.000 de inversión namentres que ntre os anos 2013 a 2016 co PP a media era de 250.000.000,00 €.

Intervén o Sr. Caamaño Rivas quen dí que eles son o BNG e votan igual aquí que en Madrid, non coma o PP que vota distinto en Santiago que en Madrid. Dí que a política do PP e PSOE foi errada, e que a AP9 sexa nosa non quere dicir que sexa gratuita, que eles son nacionalistas e teñen claro que as cousas teñen que sair de aquí. Dí que a comisión que se fixo foi un paripé e que lle parecen unha lacra para o desenvolvemento do país.

Intervén o Sr. Aragunde Aragunde quen dí que o Sr. Caamaño Rivas dirá o que queira pero no ano 2007 o BNG votou en contra, dí que a moción e oportunista e a presenetan agora que non gobernan.

Intervén o Sr. Caamaño Rivas quen dí que non é unha moción oportunista, que é o PP o que non é coherente.

Sometida a moción a votación acádase o seguinte resultado

Votos a favor: 9

Votos en contra 8: Membros do grupo municipal do PP.

En consecuencia queda aprobada a moción do grupo municipal do BNG contra a subida de peaxes na AP-9 nos termos nos que foi presentada.

4º.- MOCIÓN DO GRUPO MUNICIPAL SOCIALISTA SOBRE A AVESPA VELUTINA.

Intervén a Sra Alcaldesa dando lectura á moción que é a seguinte:

“MOCIÓN QUE PRESENTA O GRUPO MUNICIPAL SOCIALISTA SOBRE A AVESPA VELUTINA.

De acordo e ao amparo do previsto no Regulamento de Organización, Funcionamento e Réxime Xurídico das Entidades Locais, o Grupo Municipal Socialista desexa someter á consideración do Pleno esta MOCIÓN.

EXPOSICIÓN DE MOTIVOS

A situación provocada nos últimos anos polo asentamento definitivo da avespá velutina en Galicia está a coller uns niveis alarmantes que afectan de xeito notable ás expectativas da fauna local, froitos e, principalmente, da poboación de abellas melíferas.

Desde a súa aterraxe no continente europeo en 2004 a progresión expansiva desta especie acabou por achegala ao norte peninsular no ano 2010 e pouco tempo despois, entre 2012\13, empezaron a detectarse na Galicia costeira. Dada a súa capacidade de adaptación e expansión esta especie comezou a tomar carta de natureza nos concellos costeiros desde os que se está espallando por todo o territorio da nosa comunidade.

As características desta especie foránea, substanciadas nun gran tamaño e agresividade, convértena nunha depredadora da “apis mellifera”, a produtora de mel e polinizadora, causando un gran número de baixas nas colmeas coa conseguinte alarma entre os apicultores galegos que se vén desbordados por esta continxencia, e poñendo en perigo non só unha relevante e crecente actividade socioeconómica senón tamén as posibilidades da adecuada polinización.

A pesar dos programas de localización e retirada de niños, estes téñense amosado como insuficientes dadas as características reprodutoras desta especie invasora. Independentemente destas accións puntuais parece evidente que as solucións para controlar e estabilizar as poboacións de

velutina pasan pola investigación para dar con fórmulas de control que non teñan efectos colaterais na fauna e na flora.

As condicións climatolóxicas deste inverno-primavera de 2017 están a ser especialmente favorables para a expansión desta especie tan daniña para as abellas produtoras de mel. A ausencia de frío non reduciu a actividade de moitos niños de velutina nin o número de reinas procreadoras, como viña sucedendo nos derradeiros anos, polo cal os apicultores están temendo un repunte da actividade da velutina.

Por estas razóns é imprescindible redobrar e canalizar adecuadamente os esforzos para loitar con efectividade contra esta praga:

- a) O trampeo masivo deberá comezar no mes de febreiro, a máis tardar, cando as temperaturas aumenten, debendo comezar polas zonas máis cálidas da comunidade autónoma e ir avanzando progresivamente cara ao resto de Galicia.
- b) A potenciación da investigación é imprescindible, tanto para coñecer adecuadamente os comportamentos e características da velutina como para atopar as fórmulas adecuadas coas que combatela.
- c) O combate dunha praga coas características da velutina require unificar esforzos e contar coa participación dos axentes implicados nesta loita. Por esta razón entendemos que a presenza e integración do tecido asociativo apícola galego é de gran interese para atopar as mellores fórmulas de extinción e control da praga.
- d) Coñecer as características da praga por parte da poboación implica un labor de divulgación que debe ir desde os centros de ensino ata a poboación en xeral. Por outro lado, o coñecemento das características da velutina, comportamentos individuais e colectivos, particularidades de niños e todo aquilo que supón un coñecemento certo desta praga é fundamental para as persoas que teñen a misión de extinguíla de aí que a formación específica do persoal que ten que eliminala é tan fundamental como necesaria.

e) Outra das liñas de actuación fundamentais é a loita preventiva, a levar adiante antes do verán, para evitar un incremento do número de niños primarios para axudar no control de individuos.

Por todo iso, o Grupo Municipal Socialista presenta para a súa consideración e aceptación polo Pleno Municipal desta MOCIÓN coa adopción do seguinte acordo:

Instar ó Goberno galego a:

a) Comezar o trampeo en tempo; de febreiro a abril, nas zonas máis cálidas e, de marzo a maio, no resto da comunidade.

b) Afrontar o custe da compra de 50.000 trampas, máis o atraente necesario para que este mecanismo sexa efectivo.

c) Facer unha campaña informativa e divulgativa de como utilizar os medios para a erradicación deste insecto.

d) Establecer quen ou os que deben colocar as trampas para realizar o trampeo masivo.

e) Dotar unha partida orzamentaria suficiente para afondar na investigación, co fin de atopar e/ou mellorar os sistemas de erradicación desta especie.

f) Establecer axudas directas para facerlle fronte aos danos causados pola avespa asiática na cabana apícola.

g) Abrir a comisión de seguimento aos representantes do sector apícola.”

Intervén o Sr. Abal Varela quen dí que este é un problema que teñen todos os concellos e que están desbordados, que debe existir colaboración entre a distintas administracións.

Intervén o Sr. Cordal Rodríguez quen anuncia o voto favorable do seu grupo, dí que as deputacións de A Coruña e Pontevedra deron 200.000,00

euros namentres que a Xunta de Galicia unicamente aportu 50.000,00 €. Remata dicindo que o control e a vixancias non están a ser efectivas.

Intervén o Sr. Caamaño Rivas quen dí que non se lle pode deixar este problema aos concellos, que aquí si temos agrupación de voluntario de protección civil pero que outros concellos non teñen e que debe ser o goberno galego o que se encargue deste problema.

Intervén o Sr. Aragunde Aragunde quen dí que a Xunta de Galicia está a facer actuacións referentes a esta Praga, que hai unha comisión creada, comisión que coordina e supervisa, que se están a valiar as actuacións, que a Universidade de Vigo ten distintas liñas de investigación, así como a Universidade de Santiago de Compostela e que todas estas actuación estanse a programar polos expertos debendo facerse estacionalmente (dí que a captura da raíña programouse para primaveira e outono e tivo escaso éxito). Por outra banda dí que se está a promover unha campaña de divulgación entre a cidadanía e que se distribuíron milleiros de folletos, que se está a poner en marcha a formación, que na Orde de 17 de marzo de 2017 se contempla unha liña a agricultores e organización de apicultores.

Intervén a Sra. Alcaldesa dicindo que lle parece moi ben o que está a dicir o Sr. Aragunde pero que Cambados non recibiu nada ao que este último pregunta se se solicitou.

Intervén o Sr. Caamaño dicindo que a cousa vai ir a peor.

Sometida a moción a votación acádase o seguinte resultado:

Votos a favor: 8 (Membros dos grupos municipais do PSdeG-PSOE, BNG e Somos Cambados).

Votos en contra 8: (Membros do grupo municipal do PP)

Abstencións: 1 (Grupo mixto)

Producido empate procédese a unha segunda votación acadándose o seguinte resultado:

Votos a favor: 8 (Membros dos grupos municipais do PSdeG-PSOE, BNG e Somos Cambados).

Votos en contra 8: (Membros do grupo municipal do PP)

Abstencións: 1 (Grupo mixto)

Producido novo empate procede a Alcaldesa a decidir co voto de calidade sendo ese emitido en sentido afirmativo. En consecuencia queda aprobada a moción do grupo municipal socialista sobre a avessa velutina nos termos nos que foi presentada.

5º.- MOCIÓN DO GRUPO MUNICIPAL DE SOMOS CAMBADOS PARA QUE SE DEPUREN RESPONSABILIDADES NO CASO DA CANDIDATURA GALEGA AO LABORATORIO DE BIVALVOS DA UE.

Intervén o Sr. Cordal Rodríguez quen da lectura á moción cuxo texto é o seguinte

“Exposición de motivos:

Fai unhas semanas fíxose público un novo engano da Xunta de Galicia: o presidente Núñez Feijóo reivindicou en Vilagarcía o 24 de novembro a candidatura galega ao Laboratorio de Bivalvos da Unión Europea (UE) que se atopa no Reino Unido, cando na Xunta e no Goberno español xa coñecían dende uns meses antes a intención da UE de suprimir este laboratorio.

É dicir, tanto a Xunta como o Goberno central coñecían a imposibilidade da candidatura pero non dubidaron en seguir enganando á cidadanía, ao sector marisqueiro galego e aos seus representantes no Parlamento galego.

Ademais, estes días coñecemos que o Estado español votou na UE en contra da permanencia ou continuidade deste laboratorio. Este voto demostra o nulo peso político do Goberno galego e incrementa a burla da

Xunta ao grao de escándalo inaceptable que debería ter consecuencias políticas para os responsables.

Un engano inaceptable para as galegas e os galegos que impediu ademais que, dende que se notificou a intención da UE, en España e Galicia se iniciasen as medidas que permitiran a continuidade do laboratorio e a súa posible instalación na nosa comunidade, un dos territorios da UE con máis experiencia e cunha economía máis afectada pola produción e comercialización de bivalvos.

Esta falta de respecto amosada pola Xunta para as traballadoras e traballadores do mar do noso país merece unha explicación suficiente e que se asuman as responsabilidades políticas deste novo engano. Xa que de non ser así ninguén do sector do mar en Galicia terá a seguridade de que a Xunta non o está a enganar en moitas outras cuestións que afectan ao noso mar e que son tratadas no seo da UE.

Polo exposto anteriormente, presentamos a seguinte Proposta de Acordo:

PRIMEIRO.- Instar á Xunta de Galicia a que se lle dea traslado ao Concello de Cambados e ás distintas confrarías da Ría de Arousa das explicacións pertinentes e se depuren responsabilidades políticas polo fracaso da candidatura galega a sede do laboratorio europeo para o control das toxinas e a salubridade dos moluscos bivalvos.

SEGUNDO.- Instar ao Goberno do Estado a que se lle dea traslado ao Concello de Cambados e ás distintas confrarías da Ría de Arousa das explicacións pertinentes sobre os motivos polos que ocultaron dende o pasado 17 de maio que a Comisión Europea decidira suprimir por motivos orzamentarios o laboratorio europeo para o control das toxinas e a salubridade dos moluscos bivalvos, e pola contra se lle permitiu ao Presidente da Xunta o anuncio público da candidatura galega para albergar este laboratorio de referencia comunitario para o seguimento dos contaminantes virais e bacteriolóxicos dos moluscos bivalvos.

TERCEIRO.- Instar á Xunta de Galicia e ao Goberno do Estado a que se lle dea traslado á Comisión Europea da conveniencia de seguir mantendo o

laboratorio de referencia comunitario para o seguimento dos contaminantes virais e bacteriolóxicos dos moluscos bivalvos e a idoneidade do Instituto Tecnolóxico para o Control do Medio Mariño (Intecmar) como sucesor do centro situado na localidade británica de Weymouth.”.

Remata dicindo que boa parte destas palabras sacounas do Faro de Vigo (da letura dun estrato).

Intervén o Sr. Abal Varela quen dí que se estivo a informar sobre este tema e que todo o que lles dín vai no senso desta iniciativa, e que apoiarán esta iniciativa para que se esclarezca e depuren as responsabilidades.

Intervén o Sr. Caamaño Rivas quen dí que isto máis que grave é tristísimo, dí que non se sorprenden xa que trátanos coma parvos.

Intervén a Sra. Alcaldesa quen dí que este é un feito moi grave e é motivo suficiente para pedir un cese. Dí que o 11/07/2017 no pleno do parlamento respondeuse a unha pregunta para abergalo a que dende a Consellería do mar se lles dí que a aposta era firme decide que existía contacto cos ministerios que o 10 de outubro o grupo socialista presentou unha proposición non de lei que se aprobou por unanimidade para constituir a mellor candidatura, que no Congreso dos Deputados preguntouse e o goberno de Esoña afirmou por dúas veces que a candidatura de Galicia era a mellor, que o 24 de novembro o Presidente da Xunta de Galicia lazaba a candidatura e que agora foi coñecido que o 17 de maio a Comisión Europea anunciaba suprimir o laboratotio e acordaba o se reparto, que a Consellerira lle vota a culpa a comisión cando consta na acta desta que o único que se opuxo fi o comisaro sueco e que a Comisión non recibiu ningún tipo de comunicación.

Intervén o Sr. Aragunde Aragunde quen dí que sí é certo que houbo unha falla de información á UE. Que o deste laboratorio é consecuencia do brexit e que foron diferentes os países que estaban interesados, que o que fixo a comisión foi fracionalos e a realidade do asunto é que se tratou este punto sen que fose na orde do día e que por iso non houbo unha capacidade de reacción por parte de España, que cando viron a acta foi cando se enteraron. Dí que Galicia ten moitas posibilidades de acadar o 60% dos laboratorios e

que se está a traballar co ministerio para que veña a totalidade. Dí que para xaneiro de 018 hai unha reunión en Bruxelas onde haberá representación do Estado polo Ministerio e que acudirá a Conselleira, que aquí non se enganou a ninguén xa que non viña na convocatoria. Remata dicindo que se está a facer unha boa xestión da Xunta de Galicia.

Intervén o Sr. Cordal Rodríguez quen dí que o único que votou en contra foi Suecia polo que parte irá alí, outra a Italia outra a Amsterdam e unha parte irá para Vigo.

Sometida a moción a votación acádase o seguinte resultado:

Votos a favor: 9 (Membros dos grupos municipais do PSdeG-PSOE, BNG, Somos Cambados e grupo mixto).

En consecuencia queda aprobada a moción do grupo municipal de Somos Cambados para que se depuren responsabilidades no caso da candidatura galega ao laboratorio de bivalvos da UE.

6º.- DAR CONTA DO INFORME DE TESOURERÍA SOBRE O CUMPRIMENTO DOS PRAZOS DE PAGO DAS OPERACIÓN COMERCIAIS DO CONCELLO DE CAMBADOS. SEGUNDO TRIMESTRE DE 2017.

O Pleno dase por enterado do informe

Intervén o Sr. Charlín Trigo quen dí que quere aclarar varios conceptos xa que incluso a súa xestión deu lugar a unha reprobación por parte do PP, primeiro para desmetir que no concello de Cambados existise un desfase nas contas e segundo para facer unha comparativa entre o concello “perita” que o PP lles deixou e a situación actual, débeda cos bancos a comezos do ano 2015 2.400.000,00 €, débeda a día de hoxe 1.200.000,00 €, facturas pendentes de pago no 3º trimestre de 2015 1.300.000,00 €, a 30 de novembro deste ano 700.000,00 €, fondos propios nos bancos 800.000,00 € a 18 de decembro 1.700.000,00 €, a urbana en Cambados era do 0,60 hoxe é do 0,50. En resumo metade de débeda, menos impostos e máis cartos na tesourería.

Pregúntase por un concelleiro do PP ao secretario se se pode intervir neste punto ao que o secretario dí que é unha dación de conta e non proceden as intervencións, e que os concelleiros están advertidos ao respecto, pero que él non lle pode retirar a palabra a ningún concelleiro.

Intervén o Sr. Abal Varela quen dí que quería comentar algún detalles, que se están a baixar os impostos, que agora estase a traballar no aforro enerxético co que están a diminuír os gastos por subministro de enerxía eléctrica, que se mercaron vehículos, cidade europea do viño...

7º.- DAR CONTA DO INFORME DE TESOURERÍA SOBRE O CUMPRIMENTO DOS PRAZOS DE PAGO DAS OPERACIÓN COMERCIAIS DO CONCELLO DE CAMBADOS. TERCEIRO TRIMESTRE DE 2017.

O pleno dase por enterado do informe

8º.- DAR CONTA DAS RESOLUCIÓNS DA ALCALDÍA

O Pleno dase por enterado

Pregunta a Alcaldesa se algún grupo desexa someter á consideración do Pleno por razóns de urxencia algún asunto non comprendido na orde do día e que non teña cabida no punto de rogos e preguntas. Non se presenta ningún.

9º.- ROGOS E PREGUNTAS

Polo Sr. Aragunde Aragunde

ROGO: Que na carretera de Vilariño, na subida ao agro da igrexa de Vilariño hai unha arqueta que está a dar bastantes problemas, roga se solucione o antes posible.

Pregunta:



CONCELLO DE
CAMBADOS

¿Cando se nos van a entregar as actas das Xunta de Goberno Local que levan 10 meses sen recibilas e se iso é froito de transparencia?

E sen máis asuntos que tratar a Sra. Alcaldesa da por rematada a sesión, cando son as vintedúas horas e cincuenta e catro minutos, de todo o que eu como secretario dou fe.

Vº e Prace
A ALCALDESA

O SECRETARIO XERAL

